

11. x^var rōz kōdak ō dibīrestān kun dā dibīr ud frazānag bavād.
12. māh rōz may x^var, ud abāg dōstān viyufsišn kun, ud az māh ī x^vadāy āyaft xvāh.³
13. tīr rōz kōdak ō tigr vīstan ud nibard ud asvārīh hamuxtan frēst.
14. gōš rōz parvarišn ī gōšurog kan [K ud gōšt mā x^var], ud gāv ō varz hamōz.
15. day-ped-mihr rōz sar šōy, ud mōy ud nāxun vīrāy, ud angūr az razān abāz ō karxuš abgan dā šīrēn bē bavād.
16. mihr rōz agar-it az kas mustumandīh-ē abar mad ēsted pēš mihr ēst, az mihr dādvarīh x^vāh, ud garzišn kun.
17. srōš rōz bōxtārīh ī ruvān ī x^vēš rāy az srōš-ahlī āyaft x^vāh.
18. rašn rōz rōzgar sabuk, ud harv kār ī kāmē [K x^vāhē] kirdan andar frārōnīh kun.
19. fravardīn rōz sōgand mā x^var, ud hān rōz yazišn fravahr ī ahlavān kun dā hušnūttar bē bavānd.
20. vahrām rōz bun ī xān ud mān abgan dā zūd ped frazām rasād, ud ō razm ud kārezār šav dā ped pērōzīh abāz āyāy.
21. rām rōz zan x^vāh, ud kār ud rāmišn kun, ud pēš dādvarān šav dā ped pērōzīh ud bōxtagīh āyāy.
22. vād rōz drenzišn kun, ud kār nōg mā peyvann.
23. day-ped-dēn rōz harv kār kāmeh kirdan kun, ud zan ō xānag āvar, ud mōy ud nāxun vīrāy, ud jāmag pōš.
24. dēn rōz xrafstar ōzan.
25. ard rōz harv tis-ē nōg xrīn, ud andar xānag bar.
26. aštād rōz asp, gāv, stōr ō gušn hil dā ped drustīh frāz zāyānd (اسپ و گاو و سگ و اسب), K (اسپ و گاو و اسب).
27. asmān rōz ped rāh dūr šav kū ped drustīh <abāz> āyāy.
28. zamyād rōz dārūg mā x^var.
29. mārspend rōz jāmag abzīn (مهرکد) ud dōz ud pōš; ud zan ped zanīh gīr kū frazend ī tēzvīr ī nēk zāyād.

³. Cf. HOD 32 māh rōz se tis rāy toxšišn kunišn : rāmišn ī xvēš, ud pessann ī vehān, ud šnāyēnišn ī kirbag mizd rāy.

30. anērān rōz mōy ud nāxun vīrāy, ud zan ped zanīh gīr kū frazend ī
nāmcištīg zāyād.

[K anōšāg-ruvān bād ādurbād ī mahrspondān kē-š ēn handarz kird, u-
š ēn framān dād. ēdōn bād!]